

浙江文叢

國權

〔第十冊〕

浙江出版聯合集團
浙江古籍出版社

浙江文叢

國權

〔第十冊〕

卷二十九至卷三十一

〔明〕談遷 著

江出版聯合集團
江古籍出版社

國權

鹽官誅遷孺本署

起成化九年

盡成化十三年

癸巳成化九年

正月壬辰朔

乙未幹羅出犯花馬池平鹵將軍劉聚值鹵擊斬二級

戊戌巡撫貴州右副都御史秦敬疾去

庚子夜月犯天街下星

壬寅河南按察使宋欽為右僉都御史巡撫貴州

癸卯遊擊將軍黃璽叅將神英擊幹羅出於漫天嶺敗之

丁未未上南郊

戊申太原地震聲如雷

庚戌游擊將軍孫鉞黃璽及神英遇幹羅出于劉家塢擊斬五十級

辛亥追至井油山寇據險拒戰三日而走又敗之

壬子平北將軍劉聚還至高家堡幹羅出犯半坡峯敗之追至漫天嶺擒斬百四十七級

錦衣衛獄逸

武靖侯趙輔還自延綏被劾不問

免武昌田租叁拾壹萬捌千陸百餘石

丙辰免海康溢田租叁千石有奇

戊午命衛所運糧軍餘餉視正軍

宥張元吉戍還里科道言其罪不問

庚申右僉都御史李侃致仕東安人洪武壬戌進士歷官太常寺外艱哀毀骨立景泰初也先寇畿甸親寓容城晝夜號哭乞假冒訪從之母晚瞽侃講史傳以悅其意比終哀毀如喪父其至性有過人者

辛酉命順天尹賑貧勸農桑

秦府永壽王公鉉薨年三十六謚康定

二月壬戌朔偏頭關守備戴廣言北寇犯紅沙烟敗之追至石人材斬十九級

免太原大同田租三十八萬四千餘石

戊辰夜金星並月

庚午太子少保吏部尚書姚夔卒字大章桐廬人正統壬戌進士授吏科給事中遇事敢言景泰初擢南京刑部右侍郎踰年改南京禮部考察雲南還朝留禮部天順初改南京刑部尋召改禮部

左侍郎改吏部進禮部尚書己丑為吏部留意人才尤

慎黜陟凡大事集議獲一言而決豪俊慷慨不拘細節
佐時練務類唐杜黃裳未免通餽謝見疵議者然時罕
其比矣年陞拾贈少保謚文敏

辛未免順天河間保定水旱田租六萬八千七百餘石
壬申翰林侍讀學士江朝宗憂去

丁丑梓宋儒朱熹通鑑綱目附尹起莘發明上序之
戊寅以旱災免平陽澤潞遼沁田租三十萬二千五百
餘石

南京中軍都督同知翁信卒

癸未陝西兵荒遣禮科都給事中霍貴祭西岳正德

乙酉戶部右侍郎黃琛卒將樂人正統己未進士授戶部主事歷任以幹治稱

鹵入寧邊墩

三月辛卯朔癸巳寧夏地震

濟南長山鄒平臨邑等縣晝晦

甲午南京右副都御史胡拱辰提督操江

丙申兀良哈犯廣寧左衛總兵歐信失利

鎮遠侯顧淳卒

戊戌鄭府左長史江萬程奏鄭王祈鏐疎世子屢諫移怒臣命英國公張懋太監王允中勅諭之

己亥吏部左侍郎尹旻為吏部尚書右侍郎葉盛改左
侍郎初王翱李秉俱北人彭時在閣李秉滿歲去北人
詆南黨善傾故用崔恭南人又不悅尋慶去姚夔典銓
五年北人謂斬却姚夔頭去祭王翱墓尹旻代之時又
指北黨

約論曰記有之適臣守和寧正百官非謂臣人者當
和衷守正公命賞於天而不私耶夫帝臣不蔽簡天
下才為天下才為天下用在帝心惟命又何以南北
睽也奧樞微有向而言者簧鼓瀾激靡可畏哉
風始於初以濫觴迄於今悲夫

遣御史刷吏牘聶友良洪性往兩京龔盛浙江程宏

江西馬震福建魏秉四川樊瑩湖廣其雲貴遼東萬
全都司巡按御史兼焉

庚子始遣御史巡河東鹽

壬寅減雲南銀課十之五

進福寧縣為州

癸卯免淮安及徐邳宿亳虹靈壁田租

知縣強珍劉璋胡喬胡琮劉璟李珪為御史

乙巳夜南京大風雨拔太廟社稷壇樹

黃花鎮西水峪野火燬林木勢及天壽山京營兵萬人

救之返風而滅

戊申旌廬州知府朱鑄大名知府熊祥陝西按察使伍
福南昌同知李泰冀州知州胡瑛綏德知州郝清臨江
通判王維台州通判孔彥綸隴州同知張翹城武知縣
王達曲陽知縣喬良賜誥勅

壬子量減宣府中鹽米數

乙卯增築宣府鷄鳴山全道三堡

丙辰曉刻木星犯東咸星

丁巳免長沙常德荆岳辰田租六十萬二千九百餘石
庚申賑畿內山東

柳州潯梧盜起殺通判郭暉

四月辛酉朔享太廟午刻日食

壬戌威州知州何淵有威惠屢勦羗番任九年軍民德之畱任

福餘三衛兀良哈糾海西女直犯義州廣寧副總兵韓斌馳擊敗之於興中小孤山斬六十餘級

癸卯都指揮崔勝等敗 南塔兒山斬九級

丙寅徐廷章為右副都御史巡撫延綏

土魯番速檀阿力侵哈密執王母弩溫答失里搃其城王母署國有威嚴能馭衆阿力約其同標赤斤蒙古王

母不從遂執王母及金印以去

丁卯琉球國中山王尚員入貢

山東大風紅光燭地俄晦如夜移時乃復

戊辰盡免山東今年田租遣禮部左侍郎劉吉祭東嶽
東鎮東海

己巳延綏遊擊將軍都指揮僉事王璽為征西將軍總
兵鎮守寧夏

壬申總理河道刑部左侍郎王恕改為南京戶部左侍
郎

浙江按察副使呂政提督織幣不如法降貴州石炭司

恭議從南京神機營於城外

甲戌命涼州副總兵趙英等各還鎮初以搜套集延綏
竟寢

乙亥京師雨土

己卯封聰恭愍野王成鈴寧津王成舒塞強王成奎饒
陽王恩同益陽王榮濠通山王

司設監太監沈繪下獄繪怙寵矜惡後疎外怒望私蓄
兵器論死

夜金星犯五諸侯

辛巳誅新會人劉銘梁狗旌吳余童妻莊氏為烈婦銘

狗販穀海康金童移家附其舟還止銘舍銘狗美莊氏
犯而不受目擊金童漁殺之投江中目犯莊氏拒益力
居無何屍流於門識之得兩跡痛不能報抱幼女投水
死屍繞銘不去事聞立石塋所泉銘狗以狗

壬午午上御西苑閱諸將騎射矢三中僅四人再中僅
二十三人車中九十九人餘皆否又多失馳勒控弦之
節切責撫寧侯朱永等

丙戌勅赤斤蒙古等衛以上魯番速壇阿力侵據哈密
唇亡齒寒不可不慮宜結鄰援勿聽其誘

五月壬辰南京大理寺左評事章懋為福建按察僉事

甲午暹羅國入貢

庚子傳陞都督僉事李玉白玉都督同知

北鹵平章哈失帖木兒滿魯都子來降授廣州前衛
正千戶

南京吏部左侍郎范理平字道濟天台人宣德丙申進
士令江陵有惠政擢德安知府始如江陵進福建右叅
政歷貴州左布政使南京工部右侍郎清慎有吏幹更
優文藝著讀史備忘詩經集解六十六賜祭塋

壬寅南京刑部主事張衍同巡撫年俸賑山東撥鹽引
百萬臨清粟十萬以往衍道山東貽俸書救饑俸即荐

之

丁未逮協守陝西都督僉事楊銘以失事貪暴逮入京
戍貴州

己酉夜木星犯鉤鈴

辛亥進直閣商輅戶部尚書萬安禮部尚書

寧夏地震有聲

丁巳京師雨雹

戊午起前禮部右侍郎倪謙翰林侍讀學士錢溥於南
京上念其舊勞科道交劾不聽

六月乙丑昏刻木星犯房宿